

Broj: 101-1749/19
Datum: 23.12.2019.

Na osnovu člana 50. Statuta Radiotelevizije Bosne i Hercegovine, člana 70. stav (1), (2) i (3), člana 71. stav (1) i (2) Zakona o javnim nabavkama Bosne i Hercegovine ("Službeni glasnik BiH" broj 39/2014) i člana 200. Zakona o upravnom postupku Federacije Bosne i Hercegovine ("Službene novine Federacije BiH" broj 2/98), a na prijedlog Komisije za javne nabavke ugovornog organa Radiotelevizije Bosne i Hercegovine, donosim

O D L U K U

kojom je za najpovoljnijeg ponuđača za *nabavku ventilatora za hlađenje TV i FM predajnika i prostorija za potrebe Sektora PEP ugovornog organa Radiotelevizije Bosne i Hercegovine po Lotu 1* izabran ponuđač **ARCHITENTENGRUPPE S71 d.o.o. iz Sarajeva.**

Obrazloženje

Na temelju Odluke generalnog direktora ugovornog organa Radiotelevizije Bosne i Hercegovine br. 101-756/19 od 11.06.2019. godine Komisija za javne nabavke je, nakon poništenog prvog postupka nabavke, po drugi put pokrenula proceduru po konkurentskom zahtjevu za dostavljanje ponuda koji za predmet nabavke ima *nabavku ventilatora za hlađenje TV i FM predajnika i prostorija za potrebe Sektora PEP ugovornog organa Radiotelevizije Bosne i Hercegovine po Lotu 1.*

Na predmetni postupak nabavke, objavljen 20.11.2019. godine pod brojem 113-7-1-120-3-125/19 na web portalu elektronskih javnih nabavki www.ejn.gov.ba, a u skladu sa članom 88. Zakona o javnim nabavkama Bosne i Hercegovine, ponude su dostavila 2 (dva) ponuđača i to:

▪ Adut Plus d.o.o. Banjaluka	7.950,00 KM (bez PDV-a)	9.301,50 KM (sa PDV-om)
▪ Architektengruppe d.o.o. Sarajevo	7.900,00 KM (bez PDV-a)	9.243,00 KM (sa PDV-om)

Provjerom primljenih ponuda, komisija je ustanovila da ponuda ponuđača **ADUT PLUS d.o.o. iz Banjaluke** nije tehnički validna jer ovaj ponuđač u stavci 1. nije ponudio ventilatore koji su zahtjevani tenderskom dokumentacijom. Naime, traženi ventilatori su morali biti kompletno napravljeni od metala (kućište i propeler), a kod ventilatora ovog ponuđača kućište je napravljeno od metala, a propeler od plastike. S druge strane ponuda ponuđača **ARCHITEKTENGRUPPE S71 d.o.o. iz Sarajeva** je u potpunosti validna, u skladu sa zahtjevima navedenim u tenderskoj dokumentaciji i Zakonom o javnim nabavkama Bosne i Hercegovine.

S obzirom na činjenicu da je primljena samo jedna validna ponuda, planirana e-aukcija po ovom postupku nabavke nije provedena.

Sa izabranim najpovoljnijim ponuđačem će se zaključiti okvirni sporazum na period od 1 (jedne) godine i na iznos ponude izabranog najpovoljnijeg ponuđača, s obzirom da je iznos ponude (KM 7.900,00 bez PDV-a) manji od iznosa budžeta ugovornog organa odobrenog za ovu namjenu (KM 8.000,00 bez PDV-a).

Na osnovu svega navedenog, a uzimajući u obzir činjenicu da je primljena samo jedna u potpunosti validna ponuda, te činjenicu da se dodjela ugovora, sukladno članu 64. stav (1) tačka b) ZJN, zasniva isključivo na najnižoj cijeni tehnički zadovoljavajuće ponude, ugovorni organ Radiotelevizija Bosne i Hercegovine odlučio je kao u dispozitivu ove Odluke.

Pouka o pravnom lijeku

Protiv ove Odluke dopuštena je Žalba ugovornom organu, kao prvostepenoj instanci u postupku, u roku od 5 (pet) dana od dana prijema iste u pisanoj formi, a u skladu sa članom 101. stav (5) Zakona o javnim nabavkama Bosne i Hercegovine.

Saglasan:


Generalni direktor BHRT-a
Belmin Karamehmedović

Dostaviti:

- Arhitektengruppe d.o.o. – Sarajevo
- Adut Plus d.o.o. – Banjaluka
- Arhiva